



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XV. Vt decimus panis semper eleemosynario detur.

urn:nbn:de:hbz:466:1-15588

ANNO CHRISTI
1127. prope est, vel, si ita non est, in eodem loco, summo procuratori nostro, qui est Christus, gratias, vt decent, cum humiliato corde referre inenodabiliter præcipimus: famulis aut pauperibus fragmenta, panibus tamen integris reseruatis, distribuere fraterna caritate debent & iubentur.

X V.

Vt decimus panis semper eleemosynario detur.

Licet paupertatis præmium, quod est regnum cælorum, pauperibus procul dubio debeatur; vobis tamen, quos Christiana fides de illis indubitanter fatetur, decimum totius panis quotidie eleemosynario vestro dare iubemus.

X VI.

Vt collatio sit in arbitrio magistri.

* forte
iberiam Cum vero sol orientalem regionem deserit, & ad * Ibernam descendit, auditio signo, vt est eiusdem regionis consuetudo, omnes ad Completas oportet incedere vos, ac prius generalem collationem sumere per optamus. Hanc autem collationem in dispositione & arbitrio magistri ponimus, vt quando voluerit de aqua, & quando iubebit misericorditer ex vino temperato competenter recipiat. Verum hoc non ad nimiam satietatem oportet & in luxu fieri, sed parcus; quia apostatare etiam sapientes videmus.

X VII.

Vt finitis Completis silentium teneatur.

Finitis itaque Completis ad stratum ire oportet. Fratribus igitur a Completoriis exeuntibus nulla sit denuo licentia loqui in publico, nisi necessitate cogente; armigero autem suo quæ dicturus est, leniter dicat. Est vero forsitan vt in tali interuallo vobis de Completorio exeuntibus, maxima necessitate cogente, de militari negotio, aut de statu domus nostræ, quia dies ad hoc vobis sufficere non creditur, cum quadam fratrum parte ipsum magistrum, vel illum cui domus dominium post magistrum est debitum, oporteat loqui. Hoc autem ita fieri iubemus: & ideo,